



# Ponuda softverskog rješenja za vozni park

12.03.2016.

**CodeDoc d.o.o.** Sarajevo

Milana Preloga 12  
Bosmal City Center  
71000 Sarajevo  
Bosna i Hercegovina

Poštovani,

Prepoznajući kvalitet vaših usluga i besprijekornost poslovne etike koju prakticirate, što vas ističe među konkurentima, želimo vam ponuditi naše softversko rješenje sa svrhom da vam olakšamo rad i unaprijedimo efikasnost poslovanja.

Svjesni smo obima posla koji obavljate i visokog stepena organizacije koji isti zahtjeva, zbog čega je naš fokus upravo na olakšanju organizovanja poslovnih procesa vašeg voznog parka i omogućavanju informisanosti o svim procesima poslovanja u svakom trenutku.

Naš softver će biti u potpunosti prilagođen vašim potrebama i željama. Praćenje svih vozila u vašem voznom parku, njihovih statusa, trenutne lokacije, ispravnosti, kao i aktivnosti sipanja goriva, će biti vrlo jednostavno i brzo. Osim vozila, na sličan način će biti realizovano i praćenje aktivnosti vozača. Sve željene informacije će sa samo par klikova biti dostupne u svakom trenutku, što će onemogućiti sve zabune i konflikte prouzrokovane netačnim ili neblagovremenim informacijama o dostupnosti i stanju vozila. Mi shvatamo dragocijenost vašeg vremena, te vam, s tim naumu, nudimo softver koji će skratiti trajanje procesa automatizacijom rutinskih aktivnosti, kao i jednostavnošću korištenja našeg sistema.

Najznačajnije karakteristike našeg informacionog sistema su sljedeće:

- Jednostavnost korištenja – naš sistem je user friendly i vrlo lako ga koriste korisnici različitih profila;
- Sigurnost – odličnim kontrolnim mehanizmima je naš sistem zaštićen od neovlaštenog pristupa i garantira maksimalnu sigurnost svih podataka
- Mogućnost integracije sa drugim sistemima – po želji, moguće ga je integrisati sa drugim sistemima koje koristite, u svrhu objedinjavanja cjelokupnog poslovanja u jednu cjelinu radi lakše razmjene informacija;
- Mogućnost nadogradnje i unaprijeđenja – uvijek je moguće poboljšati sistem i dodati mu nove funkcionalnosti, kako bi pratio rast i razvoj kompanije.

Svi podaci će biti sačuvani u bazi podataka i dostupni putem sistema. Predviđene funkcije za unos, ispravak, brisanje i prikaz podataka je vrlo jednostavno koristiti. Za pristup sistemu korisnici će koristiti svoje login podatke.

Sistem će omogućiti sljedeće grupe funkcionalnosti:

**1. Preuzimanje vozila:**

- Pregled slobodnih vozila
- Prijavljivanje preuzetog vozila
- Mijenjanje statusa uzetog vozila
- Unos vremena preuzimanja vozila (ponuđeno trenutno vrijeme)

## 2. Vraćanje vozila:

- Unos broja pređenih kilometara
- Odjavljivanje vraćenog vozila
- Mijenjanje statusa vraćenog vozila
- Unos vremena vraćanja vozila (ponuđeno trenutno vrijeme)
- Unos opisa za šta je korišteno vozilo
- Opcionalni unos podataka o gorivu (da li je gorivo sipano, koliko litara, za koliko novca)

## 3. Evidencija vozača:

- Unos podataka o vozaču (ime, prezime, broj vozačke dozvole, adresa, broj telefona)
- Prijavljivanje vozača na sistem
- Omogućavanje pristupa sistemu vozaču
- Odjavljivanje vozača sa sistema
- Prikaz podataka o vozačima

## 4. Evidencija vozila:

- Unos podataka o vozilu (broj saobraćajne dozvole, broj vlasničke dozvole, registracija, naziv vozila, osnovne karakteristike vozila)
- Unos intervala servisa
- Prikaz podataka o vozilima

## 5. Evidencija servisa:

- Unos vozila koje je na servisu
- Mijenjanje statusa vozila odvezenog na servis
- Unos datuma i vremena kada je vozilo odvezeno na servis
- Mijenjanje statusa vozila dovezenog sa servisa
- Unos datuma i vremena kada je vozilo vraćeno sa servisa
- Unos cijene servisiranja
- Unos opisa izvršenog servisiranja
- Resetovanje broja pređenih kilometara i proteklog vremena od posljednjeg servisa
- Prikaz svih servisiranja za sva vozila

## 6. Izvještaji:

- Prikaz izvještaja o aktivnostima vozača (koje je vozilo preuzeo, kada je preuzeo vozilo, koliko je kilometara prešao, za šta je korišteno vozilo, da li je sipano gorivo)
- Prikaz izvještaja o vozilu (kada je vozilo preuzeto, ko je preuzeo vozilo, da li je vozilo bilo na servisu)
- Prikaz izvještaja o servisiranju (koje je vozilo bilo na servisu, u kojem periodu je vozilo bilo na servisu, cijena servisiranja, opis servisiranja)

Koristi koje ćete imati korištenjem softverskog rješenja koje vam nudimo su mnogobrojne:

- Brže i lakše preuzimanje i vraćanje vozila
- Jednostavnije praćenje raspoloživosti vozila

- Pristup ažuriranim i tačnim poslovnim informacijama u realnom vremenu
- Bolja organizacija voznog parka
- Poboljšanja brzina razmjene informacija između vozača i šefa voznog parka
- Smanjen broj poslovnih dokumenata i obrazaca
- Jednostavno dobivanje i prikazivanje potrebnih izvještaja
- Lakša i brža analiza poslovnih procesa

## Zašto biste trebali izabrati nas?

CodeDoc d.o.o. je preduzeće za softverski inženjering, koje posluje od 2005. godine. Upravo ovaj dugi niz godina iskustva, ispunjenih mnogobrojnim uspjesima u oblasti projektovanja i razvoja prilagođenih softverskih rješenja, je pokazatelj kvalitete našeg poslovanja. Naša kompanija je usmjerena na razvoj softverskih rješenja za kompanije iz raznih oblasti poslovanja.

Mi se vodimo poslovnom idejom „*Kvalitetna usluga i zadovoljan klijent*“. Mi ćemo učiniti sve da vam pružimo ono što vam treba i što želite. Naš stručni kadar, pored toga što za vas razvija softver koji želite, će vas konsultovati u vezi sa svakim korakom i uključiti u sami razvoj sistema koji očekujete da dobijete.

Pored ponuđenog softverskog rješenja koje razvijamo za klijenta, mi također:

- Pružamo našu stručnu pomoć u definisanju potrebne računarske i prateće opreme i softvera
- Vršimo instalaciju našeg softvera i obuku vaših korisnika
- Vršimo održavanje sistema
- Pružamo stalnu telefonsku i online podršku
- Pružamo podršku za hitne intervencije

Cijena projekta: 9.500,00 KM

Garancija: 4 godine

Vrijeme realizacije projekta: 3 mjeseca

Nadamo se da ste zadovoljni našom ponudom i da ćete se odlučiti upravo za CodeDoc.

S poštovanjem,

CodeDoc tim